

**Конда́к 1**

Избра́нный от лёт дрéвних бы́ти Предте́чею и Крести́телем Спаси́теля ми́ра Христа́ Бо́га, Иоáнне богохва́льне, прославля́юще просла́вльшаго тя Го́спода, похва́льная воспису́ем ти́, я́ко бо́льшему всéх рождéнных жена́ми, во плóти А́нгелу, покая́ния проповéднику; ты́ же, я́ко имéяй вéлие дерзнове́ние ко Го́споду, от вся́ких бéд свобожда́й и к покая́нию воздвиза́й нас, любóвию тебе́ зову́щих:

Ра́дуйся, вели́кий Иоáнне, Проро́че, Предте́че и Крести́телю Госпо́день.

**Ў́кос 1**

Арха́нгел Гаври́йл, предстоя́й пред Бо́гом, по́слан бы́сть ко иере́ю Заха́рии, егда́ то́й, служа́ по чи́ну чреды́ свое́я, вни́де по́кадити в це́рковь Госпо́дню; и, предста́в одесну́ю олтаря́ кади́льнаго, благовествова́ше о твоéм рождестве́, вели́кий Иоáнне, возве́ща́я Заха́рии ра́дость и весе́лие, и я́ко мно́зи о рождестве́ твоéм возра́дуются. Сего́ ра́ди и мы́, дивному́ о тебе́ Бо́жию благоволе́нию чудя́щися и ра́дующеся, со благоговéнием в похвалу́ тебе́ вопи́ем:

Ра́дуйся, Сове́та Бо́жия неизрече́ннаго тайнни́че; ра́дуйся, дивна́го смотре́ния Его́ исполне́ние.

Ра́дуйся, прэ́жде лёт мно́гих проро́чеством Иса́ии проявлен́ный; ра́дуйся, вéстниче пред лицéм Госпо́дним, дрéвле прорече́нный.

Ра́дуйся, предназна́ченный бы́ти вели́ким проро́ком Вы́шняго; ра́дуйся, по обетова́нию А́нгела рождéнный.

Ра́дуйся, ещé во чре́ве ма́тере твое́я Ду́ха Свята́го испо́лненный; ра́дуйся, прэ́жде рождества́ твоего́ на вели́кое служéние освя́щенный.

Ра́дуйся, непло́дства роди́телей разрешéние; ра́дуйся, иере́я Бо́жия ра́дость и весе́лие.

Рáдуйся, дщѣре Аарóновы прозябѣние; рáдуйся, плóд молíтвы Богодаровáнный.

Рáдуйся, вели́кий Иоáнне, Прорóче, Предтѣче и Крестíтелю Госпóдень.

## Конда́к 2

Вíдя Заха́рия явльшагося ему́ А́нгела, смутíся, и стра́х нападе́ на́нь, и не ве́рова словесѣм благовѣстiя его́ о рождествѣ твоѣм; егда́ же за неве́рие немото́у связа́н бы́сть, удивля́шеся пресла́вному чудесí, всѣм сѣрдцем вопи́я Бо́гу: Аллилу́иа.

## Ўкос 2

Ра́зум неуразумева́емый разумѣти и́щуще лю́дие, ждúще Заха́рию, и чудя́хуся, умѣдлившу ему́ в це́ркви; изше́дшу же ему́ и не могу́щу глаго́лати к нѣм, но то́кмо помава́юще, разумѣ́ша всí, я́ко видѣ́ние ви́де в це́ркви. Мы́ же, прославля́юще дѣ́внаго Творца́ чудес, Бо́га, вопи́ем тебѣ́ такова́я:

Рáдуйся, благи́й вино́вниче безгла́сия о́тча; рáдуйся, слѣ́з ма́тере твое́я премене́ние на ра́дость.

Рáдуйся, то́я поноше́ния в лю́дех отъя́тие; рáдуйся, вели́кое ро́ждшим тѣ́ утешѣ́ние.

Рáдуйся, я́ко в шесты́й ме́сяц о зача́тии твоѣм Пресвята́я Де́ва Мари́я в Назаре́те от А́нгела известíся; рáдуйся, я́ко о рождествѣ твоѣм мно́зи возвесели́шася.

Рáдуйся, я́ко и́мя благодáтное, от А́нгела нарече́нное, получи́вый; рáдуйся, я́ко и́менем твои́м немотствова́ние о́тца́ твоего́ Заха́рии разреши́ся.

Рáдуйся, я́ко и́мя Бо́жие о тебѣ́ о́тцем твои́м благослови́ся; рáдуйся, я́ко о чу́днем рождествѣ твоѣм стра́х и удивле́ние в о́крест живу́щих яви́ся.

Рáдуйся, я́ко по все́й стране́ Иуде́йстей о дѣ́внем рождествѣ твоѣм возвестíся; рáдуйся, я́ко тобо́ю спасѣ́ние мно́гим в ми́ре се́м яви́ся.

Рáдуйся, вели́кий Иоáнне, Проро́че, Предте́че и Кресті́телю  
Госпо́день.

### Конда́к 3

Си́ла Вы́шняго разреши́ непло́дство заматоре́вша во днѣх  
свои́х пра́ведныя Елиса́веты: зача́т бо тя́, сла́вный Предте́че Госпо́-  
день, и та́яшеся ме́сяц пѣть, глаго́лющи: я́ко та́ко мнѣ сотвори́  
Госпо́дь во днѣ, в ня́же призре́ отъя́ти поноше́ние моѣ в челове́-  
цех. Егда́ же при́я Имѹ́щую во чре́ве Христá, испо́лнися Дѹ́ха Свя́та  
и возопі́ гла́сом ве́лиим: «Отку́ду мнѣ сіе́, я́ко при́иде Ма́ти  
Го́спода моего́ ко мнѣ!» С Не́юже ра́дующися, вызы́аше Бо́гу: Алли-  
лу́иа.

### Ї́кос 3

Име́яй преды́ти пред Го́сподем дѹ́хом и си́лою Илиино́ю, ещѣ́  
из чре́ва ма́тере твое́я испо́лнился еси́ Дѹ́ха Свята́го, отону́дуже и  
Проро́к дѣ́вный показáлся еси́, егда́ во утробѣ ма́тере твое́я сѣ́й,  
выигра́лся еси́ ра́дощами пришѣ́ствию Ма́тери Госпо́дней. Бо́га бо  
позна́л еси́ носі́ма в ложесна́х Благода́тныя и Того́ ма́терним гла́-  
сом проповѣ́дал еси́: подобáше бо Божѣ́ственнымъ веще́й пресла́в-  
ным бы́ти нача́лом. Семѹ́ ўбо благоговѣ́йно удивля́ющеся, с ра́до-  
стию тебѣ́ вопи́ем:

Рáдуйся, ещѣ́ во утробѣ ма́терней предпосла́вшаго тя́ Го́спода  
чѹ́дным весе́лием предъя́вѣвый; ра́дуйся, я́ко тебѣ́ ра́ди и ма́тери  
твое́й Елиса́вете воплоще́ние Христóво откры́ся.

Рáдуйся, я́ко и та́ испо́лнися Дѹ́ха Свя́та; ра́дуйся, я́ко и она́  
предѣ́вная проро́чица я́вѣся.

Рáдуйся, я́ко от не́я Пресвята́я Де́ва Ма́рѣя Блаже́нною в жена́х  
нарече́ся; ра́дуйся, я́ко то́ю Она́ и Ма́терию Го́спода наименова́ся.

Рáдуйся, я́ко и безсе́менный пло́д То́я Благословѣ́нным прона-  
рече́ся; ра́дуйся, Премѹ́дросте Божѣ́стvenныя предъя́влѣние.

Рáдуйся, свята́го супру́жества благослове́ние; ра́дуйся, непло́д-  
ных ложе́сн дѣ́вное прозябе́ние.

Рáдуйся, рождéнием твоём удивíвый люди; рáдуйся, свётлый  
Слóва гласе.

Рáдуйся, вели́кий Иоáнне, Проро́че, Предте́че и Крестíteлю  
Госпо́день.

#### Конда́к 4

Бу́рею сомнéния смущéнный, иерей Заха́рия не можа́ше, по  
словеси́ а́нгельскому, проглаго́лати. Егда́ же по рождестве́ твоём,  
Предте́че Госпо́день, написа́ благода́тное и́мя твоё, áбие отверзо́-  
шася уста́ и язы́к его́, и глаго́лаше, благословя́ Бо́га, и проро́чество-  
ва, глаго́ля: благословéн Госпо́дь Бо́г Изра́илев, я́ко посетíи и сотво-  
ри́ избавлéние лю́дем Своём, и ты́, отроча́, Проро́к Вы́шняго наре-  
чéшися, поя́ Тому́: Аллилу́иа.

#### И́кос 4

Слы́шаша о́крест живу́щии лю́дие о пресла́внем и чу́днем  
рождестве́ твоём, со удивлéнием глаго́лаху в себе́: «Что́ убо отроча́  
сиé бу́дет?» Мы́ же ты́, пресла́вный Предте́че Госпо́день, я́ко боль-  
ша всéх рождéнных жена́ми, досто́йно чту́ще, ублажа́ем си́це:

Рáдуйся, от зача́тия твоего́ благода́тных явлéний испо́лнен-  
ный; рáдуйся, в рождестве́ твоём Бо́гом просла́вленный.

Рáдуйся, во младе́нчестве твоём от отца́ твоего́ Проро́ком Вы́ш-  
няго наречéнный; рáдуйся, во о́трочестве твоём Ду́хом Святы́м  
просвещéнный и укреплéнный.

Рáдуйся, Бо́га воплотíвшася сродник по плóти бы́вый; рáдуй-  
ся, от Бо́га высо́кое зва́ние Предте́чи и Крестíteля приéмый.

Рáдуйся, зарé, Свёт но́вый ми́ру возвестíвшая; рáдуйся, звездó,  
пу́ть, веду́щий ко Христу́, осветíвшая.

Рáдуйся, денни́це Со́лнца незаходи́мага; рáдуйся, свети́льнице  
Свёта неугаса́емаго.

Рáдуйся, пу́ть грядúщему Христу́ уготовля́я; рáдуйся, А́нгела и  
челове́ка в себе́ явля́я.

Рáдуйся, вели́кий Иоáнне, Проро́че, Предте́че и Крестíteлю

Госпо́день.

### Конда́к 5

Богопроти́вное велéние беззако́ннаго детоуби́йцы Ёрода изгна́тя из до́му о́тча в непрохо́дную пусты́ню, носима́ ма́терию, Предте́че Госпо́день, иде́же и пребыва́л еси́ до днё явлéния твоего́ ко Изра́илю, яды́й акри́ды и ме́д дивий и Бо́гу вопия́: Аллилу́иа.

### Їкос 5

Ви́дяще дивное Бо́жие о тебе́ промы́шление, Иоáнне богохва́льне, я́ко от младе́нческих пелён по́стническаго жити́я любите́ль показáлся еси́, отону́дуже во́лею Вы́шняго по́слан бы́л еси́ пропове́дати лю́дем грядúщее во Христé спасéние, сего́ ра́ди соудивлénием и любóвию тебе́ взыва́ем:

Ра́дуйся, я́ко, ещё́ младе́нец сый, царя́ Ёрода устраши́л еси́; ра́дуйся, от напрáснаго убиéния тём десни́цею Вы́шняго сохранéнный.

Ра́дуйся, пусты́ни шипо́к благово́нный; ра́дуйся, высотóю подвигов тво́их всéх удививый.

Ра́дуйся, пра́ваго путі́ верный указáтелю; ра́дуйся, чистоты́ и целомуд́рия предивный храните́лю.

Ра́дуйся, ева́нгельскаго самоотверже́ния о́бразе соверше́нный; ра́дуйся, мона́шествующих покрóве и утвержде́ние.

Ра́дуйся, богослóвствующих умóв просвещéние; ра́дуйся, грéшным милосéрдия Бо́жия двéри отверза́й.

Ра́дуйся, ка́ющимся грéшником от Го́спода прощéние подава́й; ра́дуйся, плоды́ достóйны покая́ния творíti помога́й.

Ра́дуйся, вели́кий Иоáнне, Проро́че, Предте́че и Крестите́лю Госпо́день.

### Конда́к 6

Проповед́ник сла́вный ты́, божéственный Предте́че, показáлся еси́ в пусты́ни Иорда́нстей во днй явлéния Христá Бо́га ми́ру. Сего́ бо, Грядúщаго к тебе́, показáл еси́ лю́дем, глаго́ля: «Сé, А́гнец Бо́-

жий, взёмляй грехи́ міра!»; Егóже мы́ véрою познáвше, поём Емú: Аллилу́иа.

### Їкос 6

Возсия́л еси́ свѣт ѱстины, Иоáнне богопросвещѣнне, всѣм явля́яй Сла́вы О́тчия сия́ние, я́вльшееся плóтски на́с ра́ди. Вопия́л бо еси́ в пусты́ни лю́дем: «Пока́йтесь, прибли́жи бо ся Ца́рствие Неб́сное: сотвори́те пло́ды досто́йны покая́ния. Се́ бо грядёт по мнѣ, Ё́же кресті́т вы́ водо́ю и Ду́хом». Сего́ ра́ди похва́льная тебѣ вопи́ем:

Ра́дуйся, пришѣ́ствія Мессіи́ возвесті́телю; ра́дуйся, путѣ́й Госпо́дних угото́вателю.

Ра́дуйся, вѣ́тхія и но́выя благода́ти ходáтаю; ра́дуйся, проро́ков преде́ле и нача́ло Апóстолов.

Ра́дуйся, гла́се Сло́ва благознамені́тый; ра́дуйся, покая́ния проповѣ́днице велегла́сный.

Ра́дуйся, мно́гих сынóв Изра́илевых ко Го́споду обрати́вый; ра́дуйся, лю́ди совершѣ́нны Го́сподеви угото́вавый.

Ра́дуйся, фарисее́в и саддукее́в дерзнове́нно обличі́вый; ра́дуйся, пло́ды досто́йны покая́ния твори́ти научи́вый.

Ра́дуйся, просвещѣ́нія духо́внаго указáтелю; ра́дуйся, и́щущим предста́тельства твоегó неусы́пный заступ́ниче.

Ра́дуйся, вели́кий Иоáнне, Проро́че, Предте́че и Кресті́телю Госпо́день.

### Конда́к 7

Хотя́щу от тебѣ кресті́тися Го́споду Иисúсу, Иоáнне богоблаже́нне, глаго́лал еси́: «А́з трéбую Тобо́ю кресті́тися», обáче повинúяся, рѣ́кшу Томú: «Оста́ви ны́не», воздвигл еси́ десни́цу твою́ на главу́ Егó и, кресті́в не трéбующаго очищѣ́ния, вопия́л еси́: Аллилу́иа.

### Їкос 7

Но́вую пода́я благода́ть кресті́тися изво́ливый от тебѣ Госпо́дь,

сподóби тя Дúха пришéствие вíдети и глáс Отéческий с небесé, свидéтельствующий Егó Сыновствó, слýшати. Отонúдуже в Триéх Лíцах Едíному Бóгу поклоня́тися нáс научíл есí. Егóже брénными прославля́юще устна́ми, в похвалú сия́ тебе́ прино́сим:

Рáдуйся, Трóического Богоявлéния пёрвый проповéднице; рáдуйся, в Триéх Лíцах Едíнаго Бóга ýстинный поклóннице.

Рáдуйся, Дúха Свята́го в вíде голубíне яснозрítелю; рáдуйся, снисхождéния Егó от Отцá на Сы́на свидéтелю.

Рáдуйся, глáса с Небесé от Бóга Отцá слýшателю; рáдуйся, явлéния любвé Отчи к Сы́ну созерцáтелю.

Рáдуйся, Сы́на Бóжия избрáнный Крестítелю; рáдуйся, во́ли Егó святы́я исполнítелю.

Рáдуйся, сла́внаго служéния спасéнию рóда человéческого рéвностный рачítелю; рáдуйся, вели́каго Та́инства Крещéния пёрвый совершítелю.

Рáдуйся, Божéственныя рáдости вéстнице; рáдуйся, Нóваго За-вéта пёрвый учítелю.

Рáдуйся, вели́кий Иоáнне, Прорóче, Предтéче и Крестítелю Господень.

### Конда́к 8

Стра́нное и неизречéнное смире́ние воплотíвшагося Бóга Сло́ва вíдев, богоблаже́нне Крестítелю, Божéственную Свою́ главú приклонíвша и ра́бское крещéние приéмша, ты́ и са́м вéсь испóлнился есí вели́каго смире́ния. Испросí úбо боголюбéзную добродéтель сию́ и на́м, одержíмым гóрдостию, я́ко да от сёрдца смире́нна вопиéм Емú: Аллилу́иа.

### Йкос 8

Вéсь благодáтных дарова́ний испóлненный, течéние вре́менныя жíзни сконча́ая, Иоáнне богознаменíте, всéх поучáл есí исполне́нием за́кона и пока́йнием благоугожда́ти Го́сподеви. Сего́ ра́ди благодарственное хвалéние тебе́, вели́кому учítелю ýстины,



воспеваем:

Рáдуйся, заκόна и оправдáний Госпóдных насадíteлю; рáдуйся, Ёродова беззакóния обличíteлю.

Рáдуйся, о исправлénии тогó рачíteлю; рáдуйся, прáвды рáди темнícíное заключénие и úзы претерпéвый.

Рáдуйся, за íстину во главú усечénный; рáдуйся, я́ко тéло твоё от ученикóв тво́их чéстне погребéся.

Рáдуйся, я́ко Бóжиим смотрénием главá тво́я нетлénна соблюдéся; рáдуйся, я́ко та́ на утешénие, освящénие и цельбý христиáном дадéся.

Рáдуйся, я́ко и деснíce твоёй, крестívшей Гóспода, вёрнии благочéстне поклáняются; рáдуйся, я́ко от тебé мнóгая чудесá тéми донýне совершáются.

Рáдуйся, я́ко тобóю вёрнии от страстéй безчéстия избавлáются; рáдуйся, я́ко тобóю грéшнии к покая́нию воздвизáются.

Рáдуйся, вели́кий Иоáнне, Прорóче, Предтéче и Крестíteлю Госпóдень.

### Кондáк 9

Всё естество́ а́нгельское удивíся высотé служénия твоегó, и Цérковь благоговéйно прославлáет т́я, я́ко дрúга Христá Бóга, предшédшаго пред Нím дýхом и сýлою Илиинóю. Ревнýя бо по íстине, дерзновénно обличáл есý фарисéев и беззакóннаго Ёрода, от негó же и мýченическую кончýну при́ял есý. Поклáняющеся úбо честнéй главé твоёй, мóлимся т́и: избáви нáс от страстéй безчéстия, да чýстым сёрдцем и устý поём: Аллилу́иа.

### Ўкос 9

Витýйство всякое земнорóдных не довлéет достóйно восхвалíti т́я, Иоáнне богохвáльне: тебé бо устá Христóвы похвалíша, вýсша прорóков и бóльша всéх рождénных женáми т́я наименовáша. Отонúдуже достóйную похвалú принест́и тебé недоумевáюще, вопиём т́и сицевáя:



Рáдуйся, Цérкве Христóвы вели́кая сла́во; рáдуйся, А́нгелов предíвное чúдо.

Рáдуйся, праóтцев рáдость и прославлéние; рáдуйся, прорóков вы́сокая похвалó.

Рáдуйся, Апóстолов богосвётлый вéнче; рáдуйся, святítелей велелéпая красотó.

Рáдуйся, мýчеников в нóвой благодáти начáло; рáдуйся, преподóбных совершéние.

Рáдуйся, прáведных удобрéние; рáдуйся, дéвственников и пóстников основáние.

Рáдуйся, всéх христиáн вели́кое утешéние; рáдуйся, я́ко от всéх христиáнских родóв íмя твоé прославля́ется.

Рáдуйся, вели́кий Иоáнне, Прорóче, Предтéче и Крестítелю Госпóдень.

### Конда́к 10

Спасти́ мíр пришéдшаго во плóти Христá Бóга благовестíл еси́ и сýщим во áде: я́коже бо денни́ца, предходя́щая со́лнцу, осветíл еси́ во тьмé и сéни смёртней седя́щих. Отонúдуже вскóре Гóсподем изведéн бýл еси́ со всéми от вéка прáведными, поя́ Емý, я́ко Избáвителью и Победítелю смёрти: Аллилу́иа.

### Íкос 10

Стенá еси́ и прибéжище спасíтельное всéм, моли́твенно к тебе́ притека́ющим, божéственный Иоáнне: сего́ рáди пéсньми похвáльными ублажа́ем тя́ сýще:

Рáдуйся, мо́щный застýпниче на́ш и вёрный от бéd хранítелю; рáдуйся, злостра́ждущих от духо́в зло́бы ско́рый помо́щниче и избáвителью.

Рáдуйся, непло́дствующим благословéние от Бóга низпосы́лаяй; рáдуйся, притека́ющих к тебе́ с вéрою от трево́лнения страсте́й избавля́яй.

Рáдуйся, во вражде́ сýщих ско́ро умиро́творяяй; рáдуйся, во

всякой нѹжде и печали усѣрдно притекающим к тебѣ скорую помощь подаваяй.

Радуйся, благотекущих от самообольщения и прелести изымаяй; радуйся, вручающим себѣ твоемѹ ходатайству в час смертный помогай.

Радуйся, любящих тя от воздушных мытарств предстательством твоим свободжаяй; радуйся, почитающих славную память твою вѣчныя жизни молитвами твоими сподобляяй.

Радуйся, нищих и вдовиц и сирот заступлѣние; радуйся, по Бозе и Богородице христианом прибежище и упование.

Радуйся, великий Иоанне, Пророче, Предтече и Крестителю Господень.

### Конда́к 11

Пѣние всякое не довлѣет по достоянью доблестей твоих восхваляти тя, Крестителю Господень; но мы, любовию понуждени, дерзаем воспевати величия твоя, еже милостивно прими от нас, первостоятелю у Престола Пресвятыя Троицы, и моли свободитися нам от всякия скверны греховныя, да чистым сердцем и устнами поем Богу: Аллилуиа.

### И́кос 11

Светильника Свѣта неприступнаго и всесвѣтлых благодатных дарований всего исполнена тя, Иоанне богопросвещенне, ведуще, радостно приносим ти таковая:

Радуйся, самовидче озарившаго тя свѣше Божественнаго Свѣта; радуйся, свѣтом добродетелей твоих прославивый Бога.

Радуйся, Пресвятыя Троицы велелѣпую славу явивый; радуйся, правый и дивный путь к Небесѣ показавый.

Радуйся, и сущим во аде Бога, являшагося во плоти, благовѣстителю; радуйся, душ праведных, от вѣка в преисподней держимых, возвеселителю.

Радуйся, Владыки Христа Бога друже искренний; радуйся, яви-

вый міру Свѣт ѣстинный.

Рáдуйся, светозáрное свѣта евъáнгельскаго сіяніе; рáдуйся, рó-  
да христіáнскаго прославлѣніе.

Рáдуйся, Совѣта Бóжия исполнѣніе; рáдуйся, я́ко от восток  
солнца дáже до зáпад хвáльно ѣмя твоѣ.

Рáдуйся, вели́кий Иоáнне, Прорóче, Предтѣче и Кресті́телю  
Госпóдень.

## Конда́к 12

Благода́ти тезоимені́тый, Кресті́телю Госпóдень, и то́ю обога-  
тѣвсь, победоно́сец преслáвный показáлся есѣ: победѣл бо есѣ  
врагѣ и вся́кую злóбу, и вели́кое служѣніе твоѣ мученическим по́-  
двигом запечатлѣл есѣ. Ны́не же, предсто́я Престо́лу Царя́ ца́рству-  
ющих, моли́ Егó дарова́ти вѣрным победы на врагѣ и во всѣм  
благопоспешѣніе, в добродѣ́телех же благода́тное укреплѣніе,  
пою́щим Емú: Аллилу́иа.

## Ўкос 12

Пою́ще Бóга, дѣ́вно в тебѣ прослáвляшагося, хвáлим тя, бого-  
блаже́нне Кресті́телю, я́ко ѣскренняго дру́га Христóва, прослав-  
ляем вели́кия по́двиги тво́я, ублажа́ем мученическую кончи́ну  
твою́ и сицевáя рáдостно вопи́ем ти́:

Рáдуйся, вселѣ́нский Апóстоле и Но́ваго Завѣ́та первомучени́че;  
рáдуйся, явлѣ́ніем Христá на землі́ открѣ́вшагося Цáрствія Не-  
бе́снаго пѣрвый проповѣ́днице.

Рáдуйся, язы́ков Божѣ́ственное призвáніе предвозвестѣ́вый;  
рáдуйся, безвѣ́стная и та́йная премúдрости Бóжия мі́ру явѣ́вый.

Рáдуйся, божѣ́ственными де́янии плодонóсен па́че инѣ́х явѣ́-  
выйся; рáдуйся, я́ко свѣ́том дѣ́л твоѣ́х прослáвился Оте́ц Небе́сный.

Рáдуйся, я́ко в па́мяти твоѣ́й Цѣ́рковь Христóву весели́ши неиз-  
рече́нно; рáдуйся, я́ко ны́не вѣ́чнаго наслажда́ешься весе́лія  
изобѣ́льно.

Рáдуйся, божѣ́ственными лучáми Трисол́нечнаго Свѣ́та осія́-

ваемый; радуйся, яко со безплóтными трисвятúю пёснь Бóгу немóлчно вопиёши.

Ра́дуйся, яко ны́не, зерца́лом разрёшшимся, несрёдственне зрѣши Святúю Трóицу.

Ра́дуйся, вели́кий Иоáнне, Проро́че, Предте́че и Крестíteлю Госпо́день.

### Конда́к 13

Овели́кий и пресла́вный Предте́че и Крестíteлю Госпо́день Иоáнне, приими́ от нас ны́не приносѣмое тебѣ моле́ние и твоѣми богоприя́тными к Бóгу моли́твами изба́ви нас от всякаго зла́, и вѣчныя изми́ му́ки, и наслѣдниками Ца́рствия Небе́снаго соде́лай, да во ве́ки поём Бóгу: Аллилу́иа.

*(Этот конда́к читается трижды)*

### Ўкос 1

Арха́нгел Гавриѣл, предстоѣй пред Бóгом, по́слан бы́сть ко иере́ю Заха́рии, егда́ то́й, служа́ по чи́ну чре́ды своея́, вни́де пока́дити в це́рковь Госпо́дню; и, предста́в одесну́ю олтаря́ кади́льнаго, благовество́ваше о твоём рождествѣ, вели́кий Иоáнне, возве́щая Заха́рии ра́дость и весе́лие, и яко мно́зи о рождествѣ твоём возра́дуются. Сего́ ра́ди и мы́, дѣвному о тебѣ Бóжию благоволе́нию чуде́щася и ра́дующеся, со благоговѣ́нием в похвалу́ тебѣ вопи́ем:

Ра́дуйся, Совѣта Бóжия неизрече́ннаго тайнни́че; ра́дуйся, дѣвнаго смотре́ния Его́ исполне́ние.

Ра́дуйся, прѣ́жде лѣт мно́гих проро́чеством Иса́ии проявлен́ный; ра́дуйся, вѣстни́че пред лицѣм Госпо́дним, дре́вле прорече́нный.

Ра́дуйся, предназна́ченный бы́ти вели́ким проро́ком Вѣ́шняго; ра́дуйся, по обетова́нию А́нгела рождѣ́нный.

Ра́дуйся, ещё́ во чре́ве ма́тере твоея́ Ду́ха Свята́го испо́лненный; ра́дуйся, прѣ́жде рождества́ твоего́ на вели́кое служе́ние освя́-

щѣнный.

Рáдуйся, непло́дства роди́телей разреше́ние; ра́дуйся, иере́я Бо́жия ра́дость и весе́лие.

Рáдуйся, дщѣре Ааро́новы прозябе́ние; ра́дуйся, пло́д моли́твы Богода́рованный.

Рáдуйся, вели́кий Иоáнне, Проро́че, Предте́че и Крести́телю Госпо́день.

### Конда́к 1

Избра́нный от лѣт дре́вних бы́ти Предте́чею и Крести́телем Спаси́теля ми́ра Христа́ Бо́га, Иоáнне богохва́льне, прославля́юще просла́вльшаго тя́ Го́спода, похва́льная воспису́ем ти́, я́ко бо́льшему всѣх рождѣ́нных жена́ми, во плóти А́нгелу, пока́ния проповѣ́днику; ты́ же, я́ко имѣ́й вѣлие дерзнове́ние ко Го́споду, от всѣ́х бѣд свобо́ждай и к пока́нию воздви́жай нас, любóвию тебе́ зову́щих:

Рáдуйся, вели́кий Иоáнне, Проро́че, Предте́че и Крести́телю Госпо́день.

### Моли́тва

Крести́телю Хри́стов, проповѣ́днице пока́ния, ка́ющагося не прѣ́зри мене́, но, совокупля́ясь с во́и Небе́сными, моли́ся ко Влады́це за мене́, недостóйнаго, уны́лаго, немощна́го и печáльнаго, во мно́гия бѣды́ впáдшаго, утру́жденнаго бу́рными по́мыслы ума́ моего́. А́з бо е́смь верте́п злы́х дѣл, отню́д не имѣ́й конца́ грехо́вному обы́чаю: пригво́жден бо е́сть у́м мо́й земны́м веще́м. Чтó сотворю́, не ве́м, и к кому́ прибѣ́гну, да спасе́на бу́дет душа́ моя́? То́кмо к тебе́, святы́й Иоáнне, благода́ти тезоимените́, я́ко ты́ пред Го́сподем, по Богоро́дице, ве́м бо́льша бы́ти рождѣ́нных всѣ́х: ты́ бо сподо́бился еси́ косну́тися верху́ Царя́ Христа́, взѣмлю́щаго грехи́ ми́ра, А́гнца Бо́жия. Егóже моли́ за грѣшную мою́ ду́шу, да понé отны́не, в первы́йнадесять ча́с, понесу́ тяготу́ благо́ую и прииму́ мзду́ с послѣ́дними. Ё́й, Крести́телю Хри́стов, честны́й Предте́че, крайни́й

пророче, пёрвый во благодати мучениче, по́стников и пусты́нников наставля́ниче, чистоты́ учите́лю и б́лижний дру́же Христо́в, тя молю́, к тебё прибега́ю, не отрёйни мене́ от твоего́ заступле́ния, но возста́ви мя́, па́дшагося мно́гими грехи́: обновí ду́шу мою́ покая́нием, я́ко вторы́м креще́нием, поне́же обоёго нача́льник еси́: креще́нием омыва́яй прароди́тельный грех, покая́нием же очища́яй коего́ждо де́ло скве́рно. Очи́сти у́бо мя́, грехами́ осквернённого и пону́ди вни́ти, а́може ничто́же скве́рно входит в Ца́рствие Небе́сное. Ами́нь.

#### ТРОПАРИ, ГЛАС 4

Пророче и Предтече пришествия Христова, достойно восхваля́ти тя недоумеем мы, любви́ю чту́щии тя: непло́дство бо ро́ждшия и отчее безгласие разреши́ся, славным и честным твоим ро́ждеством, и воплоще́ние Сына Божия́ миру́ пропове́дуется.

#### КОНДАК, ГЛАС 3

Прежде непло́ды, днесь Христова Предтечу́ раждает и той е́сть исполне́ние всякаго проро́чества: его́же бо проро́цы пропове́даша, на сего́ во Иорда́не руку́ положи́в, я́вися Божия́ Слова проро́к, пропове́дник, вкупе и Предте́ча.

#### ВЕЛИЧАНИЕ

Велича́ем тя, Предте́че Спасов Иоа́нне, и чтим е́же от непло́дове пресла́вное ро́ждство твое.